

廣德州志

卷十一之卷十三

兵防	倉廩	坊表	壇廟
郵遞	市鎮	津梁	

廣德州卷十一

營建志 兵防 郵遞 倉廩 市鎮 坊表

兵防

廣德營都司署舊為遊擊署楊志在州治南順治八年知州塗應泰買民房改建案遊擊於乾隆二十二年裁缺改設都司遂為都司署大堂二堂三堂各三間儀門三間鼓亭二座官廳書廳各三間衙舍三間軍裝庫三間旁有箭道演武廳三間乾隆四十一年衙舍傾頽都司曾攀桂移州詳請修建工料銀一百七十七兩零有卷

廣德州志

卷十一

兵防

一

千總署舊為中軍守備署李志在遊擊府右案千總本駐防界牌汛官詳職乾隆三十八年裁守備缺改城守移駐城中遂為千總署

演武廳楊志在東郊康熙四年知州楊苞重建舊止一進今三進繚以墻垣左築燾臺

營房楊志在州治南舊倉基共一百間案康熙魚鱗冊營基共三十所

汛地通志汛地墩堡十一處楊志四鄉共十二處康熙二
年知州楊苞立捐俸建木樓十二座防兵朝夕瞭望以

備不虞案今止十一處乾隆五十五年營房瞭樓木牌俱有朽壞知州胡文銓詳請帑銀九百九十八兩零修葺凡營有鎮協統轄者由鎮協勘估無鎮協統轄者由附近協鎮勘估藩憲周照例咨協鎮安慶副總兵特勘實於五十六年六月先領八分工料銀七百九十九兩零七月興工修造

界牌汛

州東三十里

東亭湖汛

州東南三十里湖下保

千口汛

州西北八十里

杭村汛

州北五十五里

案楊志東路三汛界牌東亭湖車裏北路汛二杭村

廣德州志

卷十一

兵防

二

千口今無車裏其四汛皆千總管轄撥兵防守

誓節渡汛

州西五十里

柯匠汛

州西六十里

青洪嶺汛

州南四十里

前冲汛

州南七十里

楊灘汛

州南九十里

長洪關汛

州南一百一十里

三十六都汛

州東南六十里

案楊志西路汛三誓節渡柯匠鋪公館嶺南路汛四

青洪嶺前冲鋪楊灘鋪唐辛今無公館嶺而唐辛本保名今改稱長洪關又有三十六都此七汛係把總管轄撥兵防守楊志又云力行保甲設立鑼炮遇有

盜警卽發炮鳴鑼逐路迅追蓋是時山險尙有藪奸
故立此弭盜之法李志概行刪去非也

建平汛七處通志建平縣汛地墩堡七處楊志白茅山朱

塘鋪青苔嶺俱知州楊苞捐建木樓以備瞭望縣志雍

正間知縣衛廷璞增建東夏西縣梅渚定埠俱縣顧置西

俱廣德營

以上胡志案舊署及營房俱燬於兵未復

都司一員見前詳

武職

左哨千總一員 駐廣德州城內專防東北二鄉摻管馬

廣德州志

卷十一

兵防

三

隊兼管弓箭隊

左哨額外外委一員 駐廣德州城內協防

左哨把總一員 駐建平縣城內專防四鄉摻管籐牌隊

右哨把總一員 駐青洪嶺汛專防西南二鄉摻管鳥槍

隊

左哨千總協防外委一員 駐界牌汛協防

左哨協防外委一員 駐白茆嶺協防

右哨協防外委一員 駐誓節渡汛協防

右哨額外外委一員 駐苦嶺關汛協防

添設額額外委一員 駐長洪關汛協防道光二十三年
增

添設額額外委一員 駐梅渚汛協防道光二十一年增

添設額額外委一員 駐朱灣卡協防道光二十八年增

添設額額外委一員 駐畢家橋汛協防道光二十八年

增

以上據新冊互見武職

附

道光二十一年奉 道憲周札飭舉人王用賓職員陳

廣德州志

卷十一

兵防

四

淦爲董事協力勸捐團練義勇選壯丁二百各設局教
演分爲鳥槍籐牌長槍短兵齊眉棍五隊備器械號衣
逢十送本州操演區別優劣至十二月又選貢生王國
煥職員鄂上植生員沈瑞清幫辦至三十三年春奉文

撤局散勇歸農

裕志

郵遞 附亭館

州與建平皆四達之衢也舊嘗置驛雖久裁廢而文檄交馳各有程限萬厯志謂之鋪舍今更為郵遞云

州驛傳通志原設馬三匹馬夫二名後於題明請將等事

案內裁減馬一匹馬夫一名今現設馬二匹馬夫一名

除另給捐置馬田租稻外工食銀七兩二錢買馬銀一

十兩帶閏銀二兩一錢六分鞍轡等銀六兩雍正十二

年核減草料等銀

詳賦額

建平縣驛傳通志原設馬三匹馬夫二名後於題明請將

廣德州志

卷十一

郵遞

等事案內裁減馬一匹馬夫一名雍正六年全裁

案桐川有驛在治西二十里萬厯志猶存其基於古

蹟楊門等志遂不復詳今依通志所載驛傳列之

州遞鋪二十有九萬厯志鋪司兵共一百名

總鋪

在州治西見萬厯志下同

長岡鋪

州東一十里

王婆鋪

州東二十里

分界鋪

州東三十里

搭畢鋪

州東南二十里

東亭鋪

州東南三十里案鋪舊皆作州東

誤從南畿志改正

石磴鋪

州西十里

豐塘鋪

州西二十里

英溪鋪 十州西二里

柴岡鋪 十州西四里

誓節鋪 十州西五里

柯匠鋪 十州西六里

劉村鋪 十州西北

石凌鋪 二州西北

陸家鋪 三州西北

黃家鋪 四州西北

峻巖鋪 五州南十

汪家鋪 十州南三

青洪鋪 十州南四

黃栢鋪 十州南六

前冲鋪 十州南七

楊灘鋪 州南九十里 案舊

十里楊門等志俱作楊灘鋪去州南九十里以道里近

遠計之州南達六鋪相去十五里為率則楊灘為是

然南畿志亦作土橋訪郡人則土橋實在汪家鋪南十

里又五里而為青洪蓋俗所謂腰鋪從中接應者故舊

廣德州志

卷十一

郵遞

六

志附之前冲之後而楊灘本

名小土橋或遂因此傳訛也

株樹鋪 十州北

楊邨鋪 十州北二

水沁鋪 十州北三

洪村鋪 十州北四

澗西鋪 十州北五

屠村鋪 十州北六

山西鋪 十州北七

案南畿志載遞鋪二十九由州前總鋪而東達鋪三

曰長岡王婆分界西達鋪六曰石磴豐塘英溪柴岡

誓節柯匠南達鋪六曰峻巖汪家青洪黃栢前冲土

橋北達鋪七曰株樹楊邨水沁洪村澗西屠村山西

東南達鋪二曰搭畢東亭西北達鋪四曰劉村石凌
陸家黃家萬厯諸志並同則自明嘉靖迄今遞鋪如
故也惟土橋今爲楊灘稍異耳

建平縣遞鋪十有二巡警鋪九萬厯志鋪司兵共五十九名

總鋪前見萬厯志縣治浮塘鋪縣東一里

濤城鋪縣東二十里案舊作濤成南畿志及楊門志俱作濤城今改正俗又作桃城見後

長樂鋪縣東三十里白茅鋪縣東四十里案舊門志俱作白茅今改正

十字鋪縣南四十里方家鋪縣南二十里

廣甯鋪縣西南五十里

廣德州志

卷十一

郵遞

七

諸塘鋪縣西南六十里今作朱塘 邵家鋪縣北一里

陽春鋪縣北二十里謝家鋪縣北三十里

顧置鋪縣北四十里

案南畿志載建平遞鋪十二由縣前總鋪而東達鋪

四曰浮塘濤城長樂白茅西達鋪二曰廣甯諸塘南

達鋪一曰十字北達鋪四曰邵家謝家陽春顧置萬

厯志所列正同有鋪名無里數楊志始依縣治注若

千里門李因之

橋南鋪廢

錢旦鋪廢

傅村鋪 廢

忠義鋪 廢

高廟鋪 廢

案楊門志並云自橋南至高廟五鋪縣通廣德舊路

明洪武八年知縣王克友改路東行立浮塘等鋪五

鋪久廢

附巡警更鋪

東門鋪 東門外見

西門鋪 西門外

南門鋪 南門外

北門鋪 北門外

東嶽鋪 縣西北

縣前鋪 縣南

廣德州志

卷十一

郵遞

八

學門鋪 廢

井泉鋪 義井右

善政坊鋪 縣治東

亭館 附

皇華亭 州治右見萬曆志今廢

丈量碑亭 州治西知州鍾振建康熙五年知州

楊苞修見楊志

廣長亭 州治東十里地名長岡鋪萬曆二十四年

學正沈儀范建鹽商造菴三間使僧照勝守之見萬曆志下同

白茅山公館 州西五十里在山之巔知州范昌齡建案此現存李志屬建平

楊灘公館 州南九十里知州龍大有建案此久廢

廣德州行館 西南百家溪巷見李志

以上本州以下建平

接官亭 縣東三里廢基六分見李志下同

憩遠亭 縣東五里廢

永豐亭 縣南五里

豁眸亭 白茅山嶺雍正八年重修

惠遠亭 走馬嶺上

永惠亭 縣北三里黃時濟建

迴瀾亭 縣西知縣茅成鳳建後圯知縣衛廷璞等捐建

公館 縣東南前臨郎川正廳三間

課農亭 縣東藉田側知縣衛廷璞建

陳村公館 縣南四十里今廢

間厨房二間大門三間今廢

以上胡志

倉廩

廣德土田磽瘠歲獲無多舟楫不通生計有限諸凡
悉倚辦穀入賤賣以應徵輸遇小歉卽十九待哺廩
人所積幾何識者謂常平社倉不可少也萬歷志之
言如此考宋紹興知軍錢觀復請建常平咸淳中常
懋發社倉粟則未嘗無之特善後無人耳迨楊守建
常平李守立社倉後人遵循恢拓制益完備積貯亦
豐矣

和豐倉南畿志在州治東萬歷志洪武初建今改爲大察

廣德州志

卷十一

倉廩

十

院

預備倉南畿志一在州治東

案魚鱗册名官倉基地三
分三厘今爲義塚詳瑩墓一

在儒學西萬歷志在州治南

案卽儒
學西也

洪武初建成化間

知州陸鳳重建楊志今改爲營止存五分之一康熙五
年以倉在營內輸納不便移建於州廳東

常平倉通志在州署東偏卽舊同知署案宋紹興間知軍

錢觀復請建常平倉楊志康熙五年知州楊苞移舊預
備倉於舊同知衙基又造常平倉於後李志共四十七
間雍正十二年知州李國相新建倉八間分人壽年豐

四廩乾隆元年又建新倉八間分時和歲稔四廩案是倉於乾隆二十六年知州魏廷會詳請添建廩房稱常平倉八十六間案楊李所建共止六十三間此云八十六間多二十三間不知何人添建無卷可查額貯穀三萬六千石加收南米及馬田稻租不敷存貯現將穀五千餘石分貯民房寺院潮濕可虞防守未便應添建七座共二十一間請於社倉本穀一千六百石歸入常平糶價銀兩給發工料未及興工二十八年署知州高瀛洲於七月修竣三十一年部准核實銀一千七百三十兩零合新舊倉凡一百七間四十一年署

知州楊天文以倉房卑小詳請改建大倉九座計三十六間四十二年知州石應璋領帑興工修造四十三年部准核實工料銀九百三十兩零五十一年知州穆通阿又詳請拆修未準五十四年知州胡文銓以舊倉坍塌二十三間詳請工料銀九百五十兩零拆修五十七年舊倉又坍塌二十一間詳領工料銀八百八十六兩零修志道光三年知州景文詳領工料銀修整三十三間道光二十六年知州嘉惠詳借攤銀九百五十六兩

八錢重修

裕志

兵餉倉通志在常平倉左楊志康熙五年知州楊苞建於

舊同知署案此即存貯南米者

馬田稻倉楊志在州廳東常平倉後

九鄉義倉萬厯志在預備倉右萬厯五年知州吳同春建

楊志云今廢

舊水次倉在州北三十里倉河渡明初建倉於此後改建

於建平詳改折漕糧碑見藝文

水次倉通志在宣城縣水陽鎮距州二百十里萬厯志先

在甯國府水陽鎮案當云先在倉河渡此謬永樂間本州同知李暹

廣德州志

卷十一

倉廩

十二

申巡撫改建於建平縣治南嘉靖十三年知州胡萬里

增建倉廩十間萬厯十三年知州陸長庚復建倉水陽

凡起運兌軍貯頓於此案萬厯二十三年知州段猷顯

詳請改用折色奏准立碑詳藝文旋復運米李志康熙年

間知州李勳買民房四進爲上糧花戶息肩之所有碑

記胡志道光二十六年署知州裕文捐廉四十九兩八錢

零並詳請攤銀四百九十二兩四錢零重修裕志

案廣德先後建倉之地及運米買兌之艱苦載改折

漕糧碑極詳中稱奏准以萬厯二十三年秋糧爲始

改徵折色如果三年毫無拖欠以後年分另行議請
考是年知州爲段猷顯萬厯志載李天植所撰段侯
修學記稱侯以癸巳八月握符治郡癸巳乃二十一
年也改折最爲此州善政不知何故暫行卽止意必
徵銀不能清款之故惜哉負此賢守之用心也但此
碑係李得陽與夏良心同立何以志中不一提及反
言水次倉先在水陽後改建平復建水陽豈傳信之
道乎今倉在水陽已久民亦習而安之但其始末不
可不明故仍其舊書之而附辨焉

社倉李志乾隆元年知州李國相奉文設建四鄉社倉

東社倉在東城外福星橋菴北一座四間 南社倉在
南城外緣覺寺北一座四間 西社倉在西城外祠山
殿西一座四間 北社倉在北城外關帝廟北一座四
間各貯穀石每春分給借農民秋成還倉民多賴之案
乾隆五十六年知州胡文銓因選充四鄉社長逾期缺
額并據紳耆呈稱自五十年旱災後民力未紓詳請照
舒邑社歸官辦之例以甦民累奉批准行有其四鄉社
倉原係借設在廟祠中今宜各還其舊

以上胡志參裕志案舊倉廩俱燬於兵未復

豐備義倉在州南研池塘前安徽巡撫陶澍因安省頻年水旱偏災飭令各屬勸捐創建義倉迄未舉行道光二十五年復奉 撫憲王通飭辦理是年秋署知州裕文督同紳士舉人吳茂林拔貢王國煥職員戈定陳淦等募捐擇正誼書院隙地建立倉廩十一間二十七年工竣貯穀備荒其四鄉穀石仍分貯本保有記詳碑記

以上裕志義倉已燬

建平縣

廣德州志

卷十一

倉廩

十四

和豐倉南畿志在縣治東

案今無可考

預備倉南畿志在縣治西

萬曆志同

李志縣治四里許洪武年

間知縣史智可建倉廳三間東廩八間西廩九間廳廩十二間正統八年知縣李觀重建今廢其址尚存

常平倉通志在縣署東懷仁祠右李志縣治儀門左康熙三十七年縣令茅成鳳重修日久頹朽且不敷積貯雍正七年知縣衛廷璞捐俸重修上造氣樓下易地板計廩六口共二十餘間

舊水次倉南畿志在縣治東南

案今廢

水次倉[李志]在[甯國府]宣城縣水陽鎮河東正廳三間四
廩共八間凡起運兌軍貯頓於此四至開列碑記倉之
西南隅向爲土人所租賃遂久假不歸雍正七年知縣
衛廷璞照界清查追復原址

社倉[通志]縣南盛村保雍正九年知縣衛廷璞建[李志]縣
南六十里倉屋六間田地共十一畝零

以上胡志[案]舊倉廩俱燬於兵 光緒四年十月建
平紳士戴名賢等奉縣令湯鼎烜詳准 督撫藩憲
分撥無主公田壹萬畝收租儲存以備凶歉五年秋

湯令奉調簾差交卸由代理知縣蔡光裕諭董設局
籌辦十月湯令回任擬在常平倉舊基先建城倉儲
備俟其充足再分建鄉倉

市鎮

州無巨鎮其商賈往來之地有村聚邸店者十數處

界牌州東三十里

東亭湖州東三十里有汛

朱灣街州東北三十五里

城塢里州東南四里茶筍聚此

車里州東南六十里

張村州東南三十里

土橋州南四十里

栢塾州南六十里

前冲鋪州南七十里有汛

陽灘州南九十里有汛

陸家鋪州西北三十里

誓節渡州西五十里有汛

福巡溪州西南五十里

獨樹圩州西南七十里陳陽司舊駐此今裁

廣德州志

卷十一

市鎮

十六

楊邨溪州東北二十里

門口塘州北三十里

上柳寺州北三十里

流洞橋州東北四十里

杭村州東北五十五里杭村司駐此

案通志載州鎮二一為杭村有巡司其一即四安但

四安屬長興詳名蹟此不便載

建平縣

廖店鎮縣東十里

濤城鋪縣東二十里

畢橋鎮縣南四十里

姚村鎮縣南七十里

鴉山鎮縣南九十里

東夏鎮縣西二十里

鍾橋鎮

通志鍾橋市縣北十里亦曰鍾喬街今亦名鎮

梅渚鎮

縣北三十里

定步上橋鎮

通志定步市縣北四十里一名

鄧步亦曰定步街猶州之郎步街也今俗步作埠
案定步街

定步下橋鎮

縣北四十里又有定步市皆云縣北四十里今考上下
案通志有上橋鎮下橋鎮

橋即定步也
不復分為三

案縣志止載廖店鴉山梅渚上下橋五鎮通志加鍾

橋定步二市然定步即上下橋實止六鎮今又補其

四

以上胡志

坊表

旌閭表里朝家盛典得者咸以爲榮然而入仕者必無負乎科名砥行者當無虧於節義故萬厯志云實不中聲清議集焉不如不坊之爲愈蓋於嘉獎中寓激勸之意舊志所列半就湮廢今存其名并新增者如左

開天重地坊萬厯志在州治東

近日名邦坊萬厯志在州治西

案二坊楊門等志不載知其廢已久矣然萬厯志有

廣德州志

卷十一

坊表

十八

自言今廢者楊門又皆載之而藩憲廢坊則萬厯志亦不之及今取萬厯志書之而補以楊李兼考存廢其新建者附後

司馬上卿坊在州治東爲夏良心立

案此下七坊今並廢

諫議坊在州治東爲李天植立

案李志有會魁坊在州治左嘉靖中爲潘潤立此前乎夏李二坊萬厯志何以不載潤係建平人縣固有會魁坊矣且係正德甲戌進士何以至嘉靖間州始

爲立坊也今亦無知者

三俊坊在州東爲甯珂李謨李得陽立

經魁進士坊在州治東爲李崇謙李得陽父子立

案楊門等志刪

父子二字非

振綱肅紀坊在州東察院左

激濁揚清坊在州東察院右俱知州龍大有立

案右二坊楊門等志不載蓋廢已久矣李志又有秋

官坊在察院左嘉靖間胡萬里爲王祐立考祐爲建

平人仕員外郎萬厯志並無此坊今更無知者

廣德州志

卷十一

坊表

十九

節制三楚坊在州治東爲巡撫湖廣都御史李得陽立

柱史坊在州治東爲御史巫繼咸立

案是坊嘉靖四十一年建今存

年建今存

秋官第坊在州治東爲郎中張金立

案是坊今廢

進士坊在州治東秋官第北爲張金立

案是坊宏治四年

建今存

聯桂坊在州治東爲兄弟進士沈憑沈冲立今廢

登雲坊在州治東爲進士張政立今廢

天官坊在州治東爲李謨立

案是坊萬厯二十七年爲嘉

靖進士李謨及贈吏部主事李淳立今存

狀元坊在州治東南久廢知州李得中重建蓋以景前賢而勵後學楊志云爲錢用王立案今亦廢

藩憲坊楊志在州治東爲甯珂甯瑞鯉立今廢

案此萬厯志所無以修志時未建坊非闕也

都憲坊在州治南爲姜洪立案是坊今廢

經魁坊在州治西爲姜溥立今廢

孝子坊李志在州治西爲潘晃李彭年姚觀壽立

案萬厯人物志載宏治間知州范昌齡爲三人總樹

廣德州志

卷十一

坊表

二十

一坊而坊牌門不之及則亦久廢矣然今尚有知其名者

登雲坊在州治西爲舉人丁濬立今廢

步雲坊在州治西爲舉人黃章立案是坊今廢

始科坊在州治東十里爲舉人步槐立案是坊今廢

進士坊在州西鄉爲王世祿立楊志在西鄉五十里

案萬厯志所列止此尙有二節婦坊見後

尙義坊李志在州東五里尙義橋西爲曹氏立

案是坊今無知者李志又載義塚坊在州東五里判

官鄒守益爲監生夏森立考萬厯義塚志曾記此坊而云今廢蓋木坊也彼詳則此可畧矣

孝子坊在州東北十五里三溪口保乾隆年爲雲像曾立節婦坊萬厯志在州治東爲曹丑妻田氏立今廢

節婦坊萬厯志在州治東爲呂氏裴氏蔡氏立今廢

節孝坊在北城內興福坊萬厯三十三年爲張近妻劉氏立現存

案城中現存者六坊柱史天官進士節婦陳劉氏張劉氏五坊皆明世立王楊氏係新立二劉氏坊不見

廣德州志

卷十一

坊表

二十一

於萬厯志乃張劉氏楊志列女傳中明言建坊北門而坊表中仍止載陳劉氏而不及張劉氏何也

節婦坊楊志在州治東爲李熙美妻夏氏立

節婦坊楊志在州治南爲陳槐妻劉氏立案是坊萬厯甲

辰年建今存

節婦坊楊志在州治西爲阮燧妻夏氏立

忠節坊李志在州治西舊有婦死節於此故名

案有婦死此但當稱節何忠之有恐傳聞之誤今廢

詳坊保

貞節坊在南城內昇平坊乾隆四十二年爲王德純妻楊氏立

貞節坊在小北鄉磚橋保乾隆五年爲伏謙光妻吳氏立
節孝坊在小北鄉磚橋保乾隆五年爲奚大正妻雲氏立
節孝坊在州東北十五里大塘村爲沈士瑛妻施氏立
節孝坊在州北四十里雙溪保爲巫兆鈞妻劉氏立

以上胡志

節孝坊在南城內嘉慶十八年爲丁世明妻王氏立
節孝坊在東城內道光十三年爲王國源妻濮陽氏立

廣德州志

卷十一

坊表

二十二

貞孝坊在大東鄉湖下保爲張子君妻巫氏立

貞孝坊在大東鄉前王保爲步容楷妻沈氏立

貞節坊在東門外五里道光十九年爲劉振禮妻宋氏立

貞節坊在西城外道光十九年爲濮陽庚金妻劉氏立

以上新纂

右本州坊表

承流宣化坊楊志在建平縣治前明成化七年建嘉靖三

年知縣黃寬重修

以下並據楊志

大憲伯坊縣門前爲副使呂盛立

歙錦坊縣治東北爲舉人潘顥立

大方伯坊縣治西北爲布政使宗璽立

進士坊縣治北爲知縣戴初立後移置義井左燬於火

登俊坊縣東南二十里爲知縣潘珪立

會魁坊縣東南三十里爲副使潘潤立

彩鳳鳴陽坊縣東北四十里爲員外郎王祐立

世科坊縣西二十里爲知縣夏宗仁立

鳳鳴高岡坊縣北四十里爲副使呂盛立

節婦坊萬厯志爲夏商八妻戴氏立

楊志無

廣德州志

卷十一

坊表

二十三

貞節坊楊志縣東南三十里爲邑民潘奕三妻應氏立

案楊志所列止此

純孝坊李志縣治東南爲孝子宗維漢立

右建平縣坊表

以上胡志

